


Tajuk : Meransang Raban Graduan Nyereta Pengawa Dagang.



MERESA ... Dekan Pusat Pemaju Pelajar, Prof Madya Dr. Rusli Ahmad nyempulang Sapit Naib Canselor (Hal Ehwal Pelajar & Alumni), Prof. Mohd Fadzil Abdul Rahman (tengah) nyerumba penemuai meresa exhibisyen karnival K4U ba Unimas, apin lama.

Meransang raban graduan nyereta pengawa dagang

KOTA SAMARAHAN: Raban graduan diperansang nyerta pengawa dagang kelimpah ke nguasa mayuh bengkah penemu engggau pengelandik lalu aktif agi ba kokurikulum sereta pengawa rohani.

Sapit Naib Canselor (Hal Ehwal Pelajar & Alumni), Prof. Mohd Fadzil Abdul Rahman madahka, bisi sekeda raban graduan enda lantang ati pengu-dah graduate ketegal napi penanggul gawa lalu bisi seke-da agensi pengaji nuduh insti-tusyen perintah puntan ngelatih raban graduan.

"Pengawa raban graduan ke deka gawa pengudah nembuka pelajar beguna amat lalu kri-tikal ba serata Malaysia laban peluang gawa kelalu kurang

enti dibanding enggau pemayuh raban graduan seruran majak nambah ba genap taun," ku iya.

Iya madahka, Opis Menteri Pelajar Tinggi (KPT) patut nyadika isu tu nyadi Projek Agenda Kritikal lalu perintah patut mutarka isu tu enggau lebih serius.

"Ba atur dikena ngurangka penanggul gawa, patut ngatur mayuh bengkah program pengawa dagang ari Institusyen Pelajar Tinggi (IPT) dikena narit raban graduan nyereta bidang tu lalu nyendiaka kreativiti asil pengawa dagang enggau chara mit," ku iya. Iya mansutka jaku tu rambau pengawa bejadi Karnival K4U ke mungkur empat iti bidang tu, nyengkaum Kerjaya, Beda-gang, Ko-kurikulum enggau

Rohani diatur ba Universiti Malaysia Sarawak (Unimas), apin lama.

Mohd Fadzil madahka, kar-nival tu nyadika pelasar ke manah dikena ngerapitka agi kaul entara komuniti KPT eng-gau Unimas .

Karnival tu diatur enggau pengelama empat hari bereng-kah ari 28 November ngagai 1 Disember 2012 disereta enggau aktiviti nyengkaum exhibisyen, bejual, pengawa betunga mua, meresa pengerai pechuma eng-gau ma-yuh agi pengawa ke bukai. Penerang ke silik agi bekaul enggau karnival tu, tau telefon ngagai Dekan Pusat Pemaju Pelajar, Prof Madya Dr. Rusli Ahmad ba lumur 082-581839 tauka email ngagai arusli@ppp.unimas.my.